

Te alos

Ando 9 septembro 2018 šaj alos
Gaday šaj alos tu kaj o foro,
komuna aj kaj regionosko šerotno



Kon šaj alol?

Te šaj alos mušaj tu te pherdilan 18 beršengo godo berš kana si o alojimos. Sa e informatcija ando manušengo registatcija (folkbokföringsregistret) 30 džesa angla o džes kaj žal o manuš te alol, khote šaj dikhen te si tut slobodia te alos aj savo alojimaski regiona san tu ramome.

Tu šaj alos kaj o foro (riksdagen) te san tu:

- šveditsko medborgare aj te san ramome ando Švedo.

Tu šaj alos kaj komuna- vaj regionoske šerotne te san tu:

- šveditsko medborgare vaj te san ramome ando Svedo.
- medborgare ande godola thema kaj si phangle ando Euvropako uniona vaj medborgare ando Island vaj Norvego aj san ramome ando Švedo.
- vaj te san medborgare and jek kaver them numa san ramome ando Švedo te trin berš palpale anglo o alojimos.

Tu kaj si tuke slobodo te alos les alojimaski karta

Tute kaj šaj alos avel tuke alojimaski karta pe pošta pašte trin kurke angla o alojimos. Pe e alojimaski karta ašel pe soste si tuke slobodo te alos aj vi o anav, adreso aj le vramja kana si puterdo e sala kaj šaj žas te alos. Pe alojimaski karta si vi informatcija te kamesa te alos angla kaj te žas. Te kamesa te alos angla e vramja mušaj te les mit tusa e alojimaski karta.

Te či avila tuke čiri alojimaski karta vaj te beradan la, šaj manges jek nevi khatar čiri komuna vaj khatar Valmyndigheten.

Alojimaske rama

Alojimaske rama si galbeno te alos kaj o foro (riksdagen), parne kana alos kaj e komuna aj vunitzi kana alos kaj regionosko šerotno. Alojimaske rama si pe sa le thana kaj šaj alos aj kaj le partiori. Tu te alos angla e vramja vaj trades jek kaver ženo šaj manges alojimaske rama khatar le partiero vaj khatar čiri komuna.

Alosar po parti

Kana tu alos atunči tu alos pe jek partia. O anav po parti ašel pe e alojimaski ram. Te či arakhes e partia kaj kames te alos šaj les jek blank ram och ramosar o anav pe e partia gadya mišto sar tu biris te ramos.

Te alos pe jek manuš

Te si te kamesa jek khatar la partiesko kandidato te alos, atunči šaj thos jek x angla godu manušesko anav po alojimaski ram. Tu ferdi šaj thos jek x pe o kandidato.



Tu muŝaj te sikhaves ke tu san tu

Te ŝaj alos muŝaj tu te sikhaves ĉiro identiteto aj te des opre sar eksempro ĉiro tradijmasko lil vaj passaporto. Te naj tut lila te sikhaves ke tu san tu ŝaj avel jek kaver ŝeno numa atunci muŝaj o kaver ŝeno te sikhavel peske lila.

Te alos

Alosar ando ĉiro sala po alojimasko dŝes

Tu ferdi biris te alos ande sala kaj aŝel pe ĉiri alojimaski ram. E sala kaj alos si ferdi puterde po o dŝes kana ŝaj alos. Kana alos ramon tele ke sanas (röstlängden) aj ĉire rama thon andre ande vadra la alojimaske (valurnorna).

Te alos angla e vramja ande ĉiri komuna vaj ande jek kaver komuna

Te alos angla e vramja si ke alos pe jek kver than sar ande ĉiro alojimaski sala. Te alos angla e vramja lel pe paŝte trin kurke angla o dŝes kaj alos ŝi angle kaj o dŝes kaj alos.

Muŝaj tuke te les tusa e alojimaski ram kana alos angla e vramja ke godo si kaj trubos te trades ĉiro alojimas kaj ĉiri alojimaski sala. Khote si kaj ŝindol so tu alondan. Ŝaj les informatcija kaj ŝaj ŝas te alos angla e vramja pe www.val.se vaj khatar ĉiri komuna.

Ŝaj alos kana san ande thema

Te san tu ande thema ŝaj trades ĉiro alojimos pe poŝta vaj ŝaj alos pe pherdo ŝveditska ambassadori vaj konsiljo. Te ŝaj alos aj te trades pe poŝta trubol tut materijalo kaj ŝaj manges khatar Valmyndigheten. Tu ŝaj trades ĉiro alojimos pe poŝta angla 45 dŝesa anglo o dŝes kaj alon vaj ŝaj ŝas kaj o ambassado vaj kaj konsiljo te alos 24 dŝesa angla o dŝes kaj alon pe.

Uni ŝene ŝaj alon aj te traden varikas

Tu ŝaj alos aj te trades varikas ke san pra phuro aj ĉi biris, te si o manuŝ nasvalo vaj te si manuŝ bango aj ĉi birin korkoro te ŝan ŝi kaj e sala te alon. Atunĉi ŝaj ŝal ĉiro murŝ, vaj ciri ŝuvli, godo manuŝ kaj trajis, ĉire nepoti, dad vaj dej vaj phej vaj pral ŝaj ŝan anda tute. Te avel jek manuŝ kaj trubol tut kaj aŝutil tut ke san nasvalo ŝaj ŝal godo manuŝ anda tute. Te si manuŝ ande temnitŝa vaj phanado kaj le rajbare sa gadya ŝaj alos aj trades jek kaver manuŝ te alon tuke. Le buĉarne atunĉi aŝutin tut. Te ke san vaj trajis ande jek ĉinoŝo gav kaj si jek poŝtari (lantbrevbärrarlinje) ŝaj manges khatar o poŝtari te ŝal tuke aj te alos. Te avela ke ĉi ŝanes varikas te ŝaj ŝan ande ĉiro than atunĉi ŝaj e komuna aŝutil tut te avel jek manuŝ tute khera te ŝaj alos. Le kontakto mit o komuna.

Te ŝaj alos aj te trades varikas trubol tut specialno materialo kaj ŝaj manges khatar komuna vaj khatar Valmyndigheten.